

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第一冊

責任編輯：孫言誠 賀 偉

ISBN 7-5333-0535-3



EB20/01

四庫全書存目叢書·史部一

(大陸版·限中國大陸發行)

四庫全書存目叢書編纂委員會編

齊魯書社出版發行
(濟南經九路勝利大街)
金壇古籍印刷廠印製

787×1092 毫米 16 開本 41.625 印張
1996 年 8 月第 1 版 1996 年 8 月第 1 次印刷
印數 1—100

ISBN 7-5333-0535-3

Z·37 史部定價：87600 圓

史部第一冊目次

史部·正史類

訂正史記真本一卷

〔宋〕洪遵撰
涵芬樓影印清道光十一年六安晁氏木活字學海類編本

一

批點史記瑣瑣二卷

〔明〕郝敬撰
中國科學院圖書館藏明萬曆崇禎間郝洪範刻山草堂集增修本

七

班馬異同三十五卷

〔宋〕倪思撰 劉辰翁評
江西省博物館藏明嘉靖十六年李元陽刻本

四四

史漢方駕三十五卷

〔明〕許相卿輯
北京師範大學圖書館藏明萬曆十三年徐禾刻本

三一

五代史志疑四卷

〔清〕楊陸榮撰
南京圖書館藏清康熙五十九年刻本

五五〇

讀宋史偶識三卷

〔明〕項夢原撰
上海圖書館藏明天啓六年自刻本

五九九

訂正史記真本一卷

〔宋〕洪遵撰

涵芬樓影印清道光十一年六安晁氏木活

字學海類編本

附《四庫全書總目·訂正史記

真本凡例一卷》提要

訂正史記真本

宋 鄱陽洪 遵

長

史記

司馬子長所著史記一百三十篇殆絕筆後漢之閒其書未就即遭李少卿之禍何身羈室篇中闕文誤句多不及正而十篇有錄無書迨子長歿而楊惲褚少孫之徒以私見臆說足成之往往纂入太始以後事而子長之真面目遂多僞託矣夫子長之才學宏博富麗包涵萬象蓋有楊惲所不聞於外家若少孫之淺陋又烏足以語此今以惲與少孫之文學海類編二訂正史記真本一史參與子長真本比長繁短相懸固不啻徑庭矣他如顓頊生鯀召始皇弟授之璽句此正子長一時之誤固可存而不論論而不更者也余於史記同杜當陽之嗜左特手錄一帙盡汰其補亡妄益等語而以己所校定者錄於下方子長有知千載而下其許我乎

凡例

一子長作史大旨具自序篇中其報任安一書實與自序篇相表裏今取爲史記本序列於篇首
一史記原缺孝景本紀今上本紀漢興以來將相名臣

年表禮書樂書律書三王世家傳靳蒯成列傳日者
列傳龜策列傳班固漢書云十篇有錄無書蓋謂此
也褚少孫補亡諸篇具在筆力文采種種不倫今並
削而不錄題下直書一亡字以存闕文

子長自序篇云書凡百三十篇五十二萬六千五百
字計所亡十篇應不下三萬言乃今刪定史記真本
尚存字五十一萬有奇中間不無一二添足語特以

一時無跡可尋未敢妄意削去蓋有俟於博雅君子
一史記絕筆於天漢此時武帝尚無諡號其述事皆云

學海類編 訂正史記真本 二 史參

今上今帝今天子今皇帝或有云孝武帝者悉後人
所定也更有雜述孝昭以後事者尤爲不類並爲改

正刊去

子長序事篇中以國代邦以滿代盈以野雞代雉以
常代恆以開代啓以通代徹以同代談並爲君父諱
名處至有不能盡諱者如禹子啓賢有飛雉升鼎耳
而响邦內甸服以立恆常之類今本與真本並同斯
又不可解

史記一書成於西京中間悅字作說閑字作閒智字

作知汝字作女早字作蚤後字作后既字作漑勅字
作飭制字作劓棄字作弃此之般流緣古少字通共
用之真本有此古字不可更改若其龜鼈從龜辭亂
從古覺學從與泰恭從小巢藻從果耕藉從禾席下
爲帶美下爲火哀下爲衣極下爲點析傍著片惡上
安西餐側出頭籬邊作禹如此等類直是訛字悉爲
改正

子長序事閒有草草謬誤處略摘一二開載左方更

本紀云鯀之父曰帝顓頊○十二諸侯年表列國世

學海類編 訂正史記真本 三 史參

家敘各公生卒諡號多有自相矛盾處○六國年表
秦楚三晉燕齊本紀世家敘各公生卒諡號往往亦

多不同○平準書結尾云亨宏羊天乃雨是不了語

○管蔡世家論後別序曹叔○趙世家越王句踐滅

吳後雜出趙襄子元年越圍吳襄子降喪食使楚隆

問吳王語○田單傳尾附見王蠋本事○趙奢傳中

許歷復請諫上著邯鄲二字○李斯傳云召始皇弟

授之璽○酈生陸賈傳篇末重出酈生事○游俠傳

首漫下太史公曰句今本與真本並同不敢妄意更

改

一本紀○五帝○夏○殷○周今本與真本並同○秦

篇四字一日千係後人添足語○始皇篇八百十七

字裏公立享國十係褚少孫考異語孝明皇帝左方

係東京語並從真本刪去○項羽○高祖今本與真

本並同○呂太后篇十一字小論前結係後人添足

語從真本刪去○孝文今本與真本並同○孝景○

今上真本並亡止存篇目

一年表○三代篇張夫子問左方係褚少孫語從真本

學海類編 訂正史記真本 四 史參

刪去○十二諸侯篇周魯齊晉秦楚等字從篇首直

貫至尾以後並用各國相傳諡號序去原無周魯齊

晉秦楚等字分載各公諡號之上今本妄意附出悉

爲刪去○六國篇各公諡號之上真本並載秦魏韓

趙等字緣每格多有別國公侯諡號附見比十二諸

侯表不同此正子長有分曉處不削祇篇末始皇帝

元年以後今本亦爲八格非是謹依真本定八爲七

蓋秦至始皇帝而一統故宜與周並列也○秦楚之

際篇前半分爲九格今本與真本並同自義帝元年

後真本原分廿格今本或分廿一格者不可從也又

真本敘趙王歇分載趙代兩格敘代王陳餘原在代

都一格今本謬誤錯亂悉爲改正○漢興以來諸侯

篇今本與真本並同其諸王諡號附雜楊惲潤色語

悉爲刪改○高祖功臣侯者篇失序者正平陽曲周

陽河汾陽戴侯今本雜出楊惲語從真本刪去○惠

景閒侯者篇道侯容成侯亞谷侯今本雜出楊惲語

從真本刪去其篇中孝惠高后等字亦如十二諸侯

表例從篇首直貫至尾今本妄增孝惠景年高后景

學海類編 訂正史記真本 五 史參

年等字真本所無也亦皆削而不存○建元以來侯

者篇南命侯龍額侯今本雜出楊惲語而常塗侯左

方則少孫添足語也並從真本刪去○王子侯者篇

今本與真本並同其王侯諡號亦雜楊惲潤色語悉

爲刪改○漢興以來將相名臣篇真本有錄無書止

存篇目○右年表十篇正子長大手筆處後世鮮有

知者故今本校讎殊草草遑不憚殺青之勞三復訂

正非徒傳之其人抑以願爲司馬氏忠臣云

一書○禮○樂○律真本並亡止存篇目○歷篇橫艾

掩茂太始元年左方係少孫語從真本刪去○天官篇蒼帝行德一段今本誤列書尾從真本畝小論前○封禪○河渠今本與真本並同○平準篇今本書末小論真本原列篇首特爲改正

一世家○吳○齊太公○周公○燕今本與真本並同

○管蔡篇四字曹叔世家是也係後人添足語從真本刪去

○陳杞○衛○宋○晉○楚○越王句踐○鄭○趙

○魏○韓○田敬仲完○孔子今本與真本並同○

陳涉篇小論○外戚篇褚先生左方係少孫語○楚

學海類編訂正史記真本 六 史參

元王篇六十七字是爲楚文王以下是也係楊惲語並從真本

刪去○荆燕今本與真本並同○齊悼惠王篇七百

三十五字篇末小論前重序城陽景王章一段是也係楊惲語從真本刪

去○蕭相國今本與真本並同○曹相國篇一十三

字篇末小論前一段是也係楊惲語從真本刪去○留侯○陳

丞相○絳侯今本與真本並同○梁孝王篇三十字

是爲平王以下十一字裏立三十九年以下十九字是也係楊惲語褚先生左方

係少孫語○五宗篇九十二字六安王慶以下一十九字真定王平以下

七十二字是也係楊惲語並從真本刪去○三王真本有錄

無書止存篇目

一列傳○伯夷○管晏○老子韓非○司馬穰苴○孫

子吳起○伍子胥○仲尼弟子○商君○蘇秦○張

儀○樗里甘茂○穰侯○白起王翦○孟子荀卿今

本與真本並同○平原君虞卿第十五○孟嘗君第

十六今本失次從真本改正○魏公子○春申君○

范雎蔡澤○樂毅○廉頗藺相如○田單○魯仲連

今本與真本並同○屈原賈生篇四十一字及孝文崩以下

是也係楊惲語從真本刪去○呂不韋○刺客○李斯

學海類編訂正史記真本 七 史參

○蒙恬○張耳陳餘○魏豹彭越○黥布○淮陰侯

今本與真本並同○韓王信盧綰篇廿一字子代歲餘坐法

死下是也係楊惲語從真本刪去○田儼今本與真本並

同○樊鄴篇三十四字穆靖侯卒以下是也係楊惲語○張丞

相篇孝武時丞相左方紀事係少孫語並從真本刪

去○酈生陸賈今本與真本並同○傅靳蒯成真本

有錄無書止存篇目○劉敬叔孫通○季布樂布○

袁盎晁錯○張釋之馮唐○萬石張敖今本與真本

並同○田叔篇五十三字數歲坐太子事以下是也係楊惲語褚

先生左方係少孫語竝從真本刪去○扁鵲倉公○
吳王濞○魏其武安○韓長孺○李將軍今本與真
本竝同○衛將軍驃騎第五十篇內百六十四字侯仇代侯以下六字公孫賀傳末一十七字公孫敖傳末八十字韓說傳末三十一字路博德傳末九字趙破奴傳居匈奴中係楊惲語○平津侯第五十一歲下廿一字是也
篇內太皇太后詔左方係東京語○匈奴第五十二
篇內四十九字武帝問其家下廿五字有詔捕太醫令下廿四字是也係楊惲
語右方三傳以真本校定今本失次者改正添足者
刪去○南越○東越○朝鮮○西南夷今本與真本
竝同○司馬相如篇廿八字小論楊雄以下是也係東京語從
真本刪去○淮南衡山○循吏○汲鄭○儒林今本
與真本竝同○酷吏篇四字杜周傳子孫尊官是也係楊惲語
從真本刪去○大宛○游俠○佞幸今本與真本竝
同○滑稽篇褚先生左方係少孫語從真本刪去○
日者○龜策真本竝亡止存篇目○貨殖今本與真
本竝同○自序篇序傳五條平原君虞卿孟嘗君衛將軍驃騎平津侯匈奴傳是
也今本失次從真本改正真本者名山中藏舊文
也

學海類編

訂正史記真本

八

史參

一書中字面真本與今本同者從楷書同文也真本與
今本異者作篆從先進也觀者當自得之
一起止過接真本與今本同者隨文錄去閒有起止各
別過接受刪者竝著一圈以表其異更有真本所無
而係今增者悉書其字於圈中
一音義詳訓字意略著篇章大旨庶司馬氏真面目令
人深思而自得之竊附漢儒解經之例
一刊誤或揭年月之訛或著事理之謬竝予長小德出
入處夫惟愛莫助之故推擊也不遺餘力非敢批駁
學海類編 訂正史記真本 九 史參

先賢以拈己之是也
一標記圈形有四庶不誤觀者音義用◎考異用○刊
誤用●題評用○用之各有攸當也

訂正史記真本凡例一卷

補修程晉芳家藏本

舊本題宋洪遵撰遵字景嚴鄱陽人皓仲子官同知樞密院事諡文安事迹具宋史本傳是編載曹溶學海類編中前有自序稱手錄司馬遷史記一帙盡汰去楊惲褚少孫等所補十篇并去其各篇中增益之語而以已所校定者錄於下方此其書前凡例也考諸家目錄皆不載遵有此書諸家言史學者如漢書刊誤新唐書糾謬五代史纂誤俱表表於世自宋以來亦從無引及此本者今觀其所刊正不盡無理而云得司馬遷名山所藏真本與今本核其異同知其孰爲楊惲所增孰爲褚少孫所補則三洪皆讀書人斷不謬妄至此豈有由漢及宋尚有司馬遷真本藏於山中遵忽然得之者邪其爲明季妄人托名僞撰殆無疑義且既謂之凡例矣而某篇同某篇異某篇自某處至某處刪若干句某篇某句下刪若干字直以全書悉載例中可使人按例而塗乙之卽得真本無庸更有全書矣此尤作僞之一證也

批點史記瑣瑣二卷

〔明〕郝敬撰

中國科學院圖書館藏明萬曆崇禎間郝洪
範刻山草堂集增修本

附《四庫全書總目·史記瑣瑣
二卷》提要

史記瑣瑣題辭

外編

司馬遷史記。自比春秋。班固洗索其痕。聲價不無小減矣。近世辭林推轂。置諸班史右。蓋辭人鬻文多傳記碑版叙事。取材於諸史。而子長書。薈叢四代典要。道古者引繩批根。不能舍而他適。故稱子長藉甚。其書中疑事隱語。注家銓釋。往往標新義。余暇日料簡以示兒曹。命曰瑣瑣。桂林一枝。崑山片玉。裁以大義。雖曰糠粃。貯之青囊。莫匪金屑。皆辭林之鳬藻。藝苑之珠

史記瑣瑣

天史記瑣瑣序

一

璣也。子長自謂抽之金匱藏之名
山。殘膏賸馥沾丐後人者。烏可視
同土苴。而屑越之耶。時
崇禎改元歲戊辰二月之吉

仲興父識



批點史記瑣瑣目錄

卷之一

本紀

年表

卷之二

八書

世家

列傳

目錄終



山草堂集第十八
批點史記瑣瑣卷之一

京山郝敬輯錄

男洪範校刻

五帝本紀

黃帝幼而徇齊

註引爾雅徇徧也齊疾也言才智周徧敏疾也○按徇與通順也易曰齊乎巽巽亦順也言始生柔順整齊也大戴禮作瑟齊瑟徇

山草堂集

卷之一

一

巽聲近相通

帝堯便章百姓

註引古文尚書作平章今文作辯章○按平便辯三字聲近易剝床以辯辯即平詩平平左右平即便論語便便言便即辯漢書張敞傳便面即屏面王莽傳屏面即便面屏音平堯召舜曰汝登帝位舜讓於德不憚

註德不堪故不悅憚俗本作澤○按作澤近是尚書作德弗嗣言德不堪繼嗣嗣澤聲近

光華曰澤即尚書所謂鄙德忝帝位之意

重華父曰瞽叟

註舜父有目不能分別善惡故時人謂之瞽字之曰叟○按叟老父之稱或作瞽謂舜父無眸子誤

陶于河濱器不苦窳

註苦窳也○按凡物甘曰美苦曰惡器窳邪曰窳音庾

堯賜舜絺衣與琴

山草堂集

卷之一

二

註細葛衣也○按絺衣即袷衣孟子曰舜被袷衣鼓琴袷單也論語當暑袷絺絺凡絳之希薄者皆可名絺不獨葛耳臯陶謨藻火粉米黼黻絺繡以五采彰施于五色作服謂以絺繒刺繡藻火等五采于衣即所謂袷衣也古禮衣皆用單士冠禮兄弟畢袷玄即玄端亦單衣也

禹臯陶契稷及彭祖凡十人堯時皆舉用未分職舜始命之

註彭祖陸終氏之第三子名篋鏗封于彭。○按彭祖生歷唐虞夏商間壽八百歲夫子謂信而好古竊比于我老彭卽此人也彼親見堯舜禹湯列聖其傳述最真故夫子自謂信古竊比老彭親見先聖云爾讀者多不解舜曰弃黎民始飢汝后稷播時百穀

註引今文尚書作祖飢祖始也書孔註作阻飢阻難也。○按前此水土未平民奏鮮食以救飢今洪水平無爲獸魚鼈可食土雖可耕

單堂集

卷一

三

而民未知播種於是始飢故曰祖飢

夏本紀

舜殛鯀于羽山

註鯀之羽山化爲黃熊入于羽淵熊音能下三點象三足鼈三足曰熊。○按熊與雄同音猛獸狀似豕山居羽淵羽山下泉洞非水也三足鼈之能下無點古篆文無三點者卽熊字耳熊雄音并與能叶詩无羊雄叶蒸正月雄叶懲古能熊通用非以點爲別也漢高祖

本紀沛父老推季爲令季辭曰恐能薄註云能獸形色似熊足似鹿爲物堅中強力故人有賢才者謂之能然則能卽熊也有才能故雄三字可互通

禹陸行乘車水行乘船泥行乘橈山行乘樛

註橈音最形如船而短小人曲一脚泥上行橈進以拾泥上物海邊有之樛音勾一作橋用鐵錐長寸半施履下以上下山使不蹉跌也。○按此卽書所云四載也

單堂集

卷一

四

青州其篋禽絲

按禽之言黯也音掩尚書作壓山桑也蚕食其葉關小而堅合俗名山關色黯然黑謂之禽絲堅韌中琴瑟之絃禽壓聲近義與弁鰭通周禮典同職微聲鰭弁聲鬱謂律笛之聲幽閉不宣暢也考工記范氏爲鐘侈則樛弁則鬱言鐘口欽而內幽深皆堅合意徐州大野旣都揚州彭蠡旣都豫州滎波旣都導荷澤被明都雍州至于都野

按尚書都皆作猪或作猪水所聚也鄭玄曰南方謂都爲猪周禮距國五百里外爲都詩毛傳下邑曰都爾雅丘在澤中者爲都丘凡衆之所聚必下故猪爲水聚邑爲民聚猪水爲都聚下之義後世遂以都水名官

殷本紀

伊尹說湯言素王九主之事

註素王大素上皇其道質素也九主有法君謂用法嚴急若秦孝及始皇等有勞君謂勤

書集

太史記類纂卷一

五

下

勞天下若禹稷等有等君等平也謂定等威均祿賞若漢高祖封功臣之類有授君謂君不能自理委政其臣如燕王噲以國授子之之類有專君謂專已獨斷不任賢臣如漢三帝之類有破君謂輕敵致寇國滅君死若楚戊吳濞之類有寄君謂人困于下主驕于上離析可待如管子云寄生之君之類有固君謂完城郭利甲兵而不脩德如三苗智伯之類有三歲社君謂在襁褓主社稷若漢昭平

之類

湯伐三變歸至于泰卷

註卷作垌與尚書序同○按野外謂林林外謂垌與卷聲近楊慎云泰垌卽太行垌行聲近古人用字不拘類此

中篇作詰

按尚書作仲(應)音毀(應)音堂與(應)聲近周禮六彝有雉彝(應)屬(應)通(應)通(應)通(應)亦音(應)說爲昏靡築于傳險

書集

太史記類纂卷一

六

按書作傳(嚴)嚴音言與險聲近雅頌以巖叶

山叶瞻險與巖古字通用

西伯伐飢國滅之祖伊恐奔告紂

按書作伐(黎)黎飢色也書云黎民阻飢爲其民失養而弔伐之古文字以義轉注類此

周本紀

紂走反入登鹿臺蒙衣其珠玉自燔于火而死註引汲冢周書甲子夕紂取天智玉琰五環身以自焚註天智王之善者縫環其身自厚

也凡焚四千王。庶王則銷。天智王不銷。紂其
不盡也。○按琰圭名

紂死。武王以輕劍擊之

註。周書作輕呂劍名。○按顧命所謂赤刀。後
人寶之。卽此

武王祭社。大卒之左右畢從。毛叔鄭奉明水。衛
康叔封布茲。召公奭贊采。師向父牽牲。尹佚筮
祝

註。周禮司烜氏以鑑取水于月。曰明水。以爲

畢筮集

七

玄酒也。茲藉席之名。諸侯病亦曰負茲采幣
也。筮。版也。祝。祝文。○按百人爲卒。大卒。謂天

子六軍左右。謂將率

命。南宮括。史佚。展九鼎保王

按寶保。古字通用

武王告周公曰。天不饗殷。麋鹿在牧。蜚鴻滿野。
註。出周書。及隨巢子曰。夷羊在牧。牧郊也。夷
羊。怪物也。蜚。鴻。蠓。蠓。也。飛虫蔽田爲災。非是
鴻雁。又云。小人在位。君子見放之喻。○按楊

慎云。蜚鴻。馬名。言養無用。害有用也。愚謂此

田野荒廢。間里蕭條之狀。卽小雅鴻雁于飛。

註。誤信家書爲古。不欲以小雅解。故爲鑿說

耳。若以蜚鴻爲馬。馬在野。亦是常事。詩云。鴻
雁于飛。集于中澤。卽滿野之謂。流民之比

穆王命伯翳。申誡太僕國之政。作翳命

按。翳。書作同。周之僕正也。音拱。與同聲近

宣王不脩籍于千畝

註。古者天子耕籍田千畝。爲天下先。宣王三

畢筮集

八

十九年。戰于千畝。王師敗績于姜氏之戎。註
千畝地名。在西河介休縣。○按小說。介休王

借霹靂車收麥。周籍田千畝在介休。因以千

畝爲地名。小說傳會之耳

幽王爲烽燧

註。烽。土櫓燧。炬火。○按大盾曰櫓。城上守禦
露屋亦曰櫓。邊方避寇。作高土櫓。櫓上作桔
槔。常低之。寇至。夜則然火。舉之以相告。曰燧
書則積薪焚之。遠望其煙。曰燧

褒神化為二龍止于夏庭卜請其釐而藏之

註釐龍所吐沫也○按釐音斯俗謂小便為釐龍溺也

養由基怒釋弓撿劍曰客安能教我射乎客曰非我能教子支左詘右也百發百中不以善息少焉氣衰力倦一發不中百發盡棄

註引烈女傳左手如拒右手如附枝右手發之左手不知又引越絕書左手如附泰山右手如抱嬰兒皆學射之法○形容開弓引弦

之法撿握同

西周恐倍秦與諸侯約從

註關東為從關西為橫或云南北為從東西為橫或云以利合曰從以威脅曰橫或云關東地南北長為從六國居之關西地東西廣為橫秦獨居之○按六國南北交合為從西向橫秦為橫猶織布之有經緯也詩橫從其畝

秦本紀

趙父以善御幸于周繆王得驥溫驥

註溫作盜竊也竊驥淺青色○趙世家作盜驥盜亦竊也近似曰竊無分辨曰溫溫亦盜竊意不如溫佳

德公二年初伏以狗禦蠱

註六月伏日也周無伏秦始有伏金氣伏藏之日祠社也○按四時以生氣相代春木生夏火秋金生冬水夏季火盛生土秋金遇夏火畏伏歸于土故庚日為伏庚金也時土氣

盛故祀社毒氣曰蠱狗善守百邪畏之殺而懸諸郭門以禦之也

惠文王十二年初臘

註十二月臘日秦始效中國為之獵取禽獸以歲終祭先祖也夏曰嘉平殷曰清祀周曰蜡漢改曰臘禮天子大蜡有八蜡者索也合聚萬物而索祭也○按臘即蜡蜡之言腊也百物乾薨曰腊萬物歸藏送死之祭也故服色尚素祭先祖及百神息田事勞農休百